

16th Sunday after Pentecost – Luke 14. 1-11

IN illo témpore: Cum intráret Jesus in domum

cujúsdam príncipis pharisæórum sábbato manducáre

panem, et ipsi observábant eum. Et ecce homo

quidam hydrópicus erat ante illum. Et respóndens

Jesus, dixit ad legisperítos et pharisaéos, dicens: Si

licet sábbato curáre? At illi tacuérunt. Ipse vero

apprehénsum sanávit eum, ac dimísit. Et

respóndens ad illos, dixit: Cujus vestrum ásinus aut

bos in púteum cadet, et non continuo éxtrahet

illum die sábbati? Et non pôterant ad hæc
respondére illi. Dicébat autem et ad invitátos
parábolam, inténdens quómodo primos accúbitus
eligerent, dicens ad illos: Cum invitátus fúeris ad
núptias, non discúmbas in primo loco, ne forte
honorátor te sit invitátus ab illo, et véniens is, qui
te, et illum vocávit, dicat tibi: Da huic locum: et
tunc incípias cum rubóre novíssimum locum tenere.

Sed cum vocátus fúeris, vade, recúmbe in
novíssimo loco: ut, cum vénerit qui te invitávit,

dicat tibi: Amice, ascénde supérius. Tunc erit tibi

glória coram simul discumbéntibus: quia omnis, qui

se exáltat, humiliábitur: et qui se humiliat,

exaltábitur.